

新聞學刊全集



新 聞 學 刊 全 集

黃 天 鵬 編



上海四馬路
光華書局印行
1930

一九三〇年一月付印

一九三〇年三月出版

1——1500冊

新聞學叢書

新聞學刊全集

編者 黃天鵬

印刷者 光華書局

發行者 光華書局

本書有版權

實價一元三角

上海四馬路

總發行所 光華書局

分局 北平王府井

武昌察院坡

趙序

新聞之說，肇自李唐，初以邸鈔，馳驛四海，漸漸士夫間，亦有緣事紀述，用資夷考者。至於近世之所謂報，則國人視泰西瀛海，瞠乎後矣！用爲之前，聲華較茂者，厥數申報，亦甫將六十年耳。上困於中朝吏治之不綱，下又以人民智識，難臻發達，而迄莫得潛摯之士，竭其心力，以圖發揚光大其事業，則尤未盡其長之至因也。

曠曠列邦，持籌畫算者，併赴錙銖，閉戶讀書者，瞑搜苦索，論定所事，俾資砥礪之階。言政者操觚以從，訪事者挾策相隨，晨宵無閒，遂脈脈隱隱，創偉蹟矣。年來國步多艱，喉舌之責，或多少爲流俗所歆動，故國中一二知名之報館，亦頗勤奮蹈厲，儲才較衆，業亦漸昌，獨閉戶潛學，尙復罕觀，則治本之道，終去一間。坊肆偶陳論報之書，或徒尙學理，或獵涉西洋之故事，初不能盡削足以強適其履，則亦徒效於參證。蓋論新聞事業之新聞，不可得見，則新聞事業，將奚自而孟晉耶！黃子天朋，久客京華，橐筆爲業，傭書之養，無愧於前人，赴事之勤，遂冠其儕輩。以久預報業，痛知利弊癥結之所自，則發憤集同人治新聞學，以視行輩中彈冠於顯者之門，沈醉於金粉之叢者，不特薰蕕異器，卽其苦心孤詣之學於所業，亦足尙矣。重以事業所寄，因天下之公器，出其緒餘，遂發行季刊，自民國十六年一月起，至翌年歲暮，凡八冊，別爲通論紀事演說雜文等，而麗以小說附錄。維時羣下爲政之道，多在人衡評鑑定之列，天朋獨能矯矯，綰月旦之領袖，進芻蕘之忠言，斯不必以言論丰采，馳譽

壇坫，卽其受持者，亦足以風世勵俗，爲有餘矣。其開歲，天朋他去，斯刊遂輟，及定巢海上，小卜一椽，故技復活，所得益神。獨拳拳尙不忘情於前刊，謂積若干人之心力，付諸殘缺，微特矜惜相存，且湮沒前修之位，是不足以憑式來茲也。遂重加檢訂，芟蕪存精，勒爲全集，就中名篇俊語，要皆有志者經心結撰，足以爲業報者他山之助，非業報者津逮之資也。世變日亟，事態日繁，生丁叔季，紛至沓應，不盡窮宇宙之長，卽不足事一生所安，返博於約，旁采錯列，舍報誰歸。則言新聞學，正不徒爲業報者啓發，且將負重任於一切人類，此特其嚆矢云爾。願持此誼，與天朋共勉之，兼以勉讀是書者。民國十八年仲夏武進趙尊嶽叔雍書。

徐序

黃君天鵬嗜新聞學，主辦新聞學刊，計出八期，內容精美，斐然有聲。近更就所刊文字，選若干篇，分訂二卷，合爲新聞學刊全集，書旣成，徵序於余。

余惟新聞紙者，近代文明中勢力最雄偉之物也。其力足以維持政府，亦足以傾覆政府；足以促進外交，亦足以破壞外交；足以造成一人之名譽事業，亦足以毀壞一人

之名譽事業；足以激起一時之怒潮，亦足以驚醒世人之迷夢。君主遇之每多失其權，軍閥遇之每多挫其勢；名人一經其一致攻擊，則倒如泰山壓卵沸湯沃雪之易；祕密一經其詳細披露，則如春雷一聲，瞬息轟傳於萬里以外，乾坤震蕩，無足以當其鋒者。國民之政治思想，賴以養成；社會之道德智識，賴以涵育；思想之自由，賴以發揚；文明之基礎，賴以奠定，其力誠莫與厚矣。

至此力之爲禍爲福，則全視人之運用如何，如能善用之，則新聞紙者，誠「社會之耳目也，國民之喉舌也，人羣之鏡也，文壇之王也，將來之燈也，現在之糧也。」如濫用之以顛倒是非，捏造黑白，無中生有，小事化大，則小之足以敗壞個人之名譽，使其見棄於家庭，見疏於朋輩，失其地位，身負惡名；大之足以使銀行破產，公司倒閉，國會失其尊嚴，政府因而改組，甚至引起國內之政事，擾亂國際之和平。由上觀之，新聞紙之勢力愈大，則新聞記者之責任愈重，至爲顯然。新聞學者，以養成良好新聞記者，並導新聞事業於正軌爲職志者也。斯學昌明，則人類愛新聞事業之

福，愈增其量，是斯學之重要可知矣。自民七北京大學創設新聞學研究會以來，國人對於斯學，漸加注意，近年以來，新聞界之各項改革，如採訪之注重，編輯之改良，印刷之進步等等，與當日該會所倡導者，均不無若干之關係。該會本有「新聞週刊」之發行，惜僅出數期，即因五四運動停刊。今新聞學刊之內容，更見精彩，則此全集之發行，必更有裨益於國人對於斯學之研究。吾知中國新聞事業，亦必因此而益見進步矣。民國十八年七月十九日徐寶璜。

吳序

新聞之成爲一種職業，乃屬近世之產物；新聞之成爲一種科學，更屬近世之產物。以職業之學問化，在文明幼稚時代，未易臻此境界也。中古以上，職業與學問，恆分離獨立，不必合一。故豪商巨賈，營業於閭閻，士大夫常羞稱之，謂其無與於學問之事，特市儈之所爲已耳。及近世科學發達，學者對於萬有現象，萬有事業，皆務

探其理窟，窮其作用，建其基礎於科學之上，俾事業與學問，漸趨一致，故服務社會者，無論所操何業，皆得訴諸理論，標示其在科學上之位置。現代文明之特徵，實在於是。而新聞爲文化上之職業，其與科學，尤易接近。故溯新聞之歷史，其產生之年代，雖屬淺近，然在今日，已釐然成爲一科學。比諸其他職業，幾欲猛看先鞭焉，則職業之科學化爲之也，則新聞之富於科學性爲之也。中國之有新聞，至今不及百年，新聞之成爲一學科，學校以是垂教，學生以是受業，則始自近十餘年已耳。然而三日於菟，其氣食牛，社會對於此學，已刮目相看，認其前途萬里，日見發展。顧發行期刊，專以提倡此學爲事者，前此尙闕乎其未有聞也，有之則自新聞學刊始。新聞學刊，發行未及一年，然不脛而走，留心新聞學者，爭手一編，以資研究。其能博社會之歡迎，則以其於新聞上各問題，條析縷分，竟委窮源，務使其爲學術化，職業與科學，醇化而合爲一體，此新聞成爲新聞學之趨勢也，此新聞學刊提倡斯學之方針也。以此方針，順應現代之潮流，其對於新聞界能有重大之貢獻也，豈待煩言而解乎！斯

刊之發行，主之者爲黃子天朋，天朋以海內歡迎此刊者，常以前後各期，欠缺不完，引爲遺憾，乃重刊全集，分門別類輯爲一編，俾向之僅見一鱗一爪者，得此則獲窺全豹焉。此非徒以廣新聞學刊之流傳，亦將使治新聞者，知此業現已成爲一科學，努力向上，務使其事事趨於學術化，則不特新聞進步，社會一切文化，亦將隨之而進步。余希望此種效果，隨斯編之重刊而出現也，故忻然樂爲之序。

民國十八年七月卑賁因識於北平

編例

一，新聞學刊創于民國十六年一月，北京新聞學會出版，二載之間，共刊八期，又增刊四號。本集乃選輯各期材料而成，故命名全集。

一，新聞學刊自十八年一月起改組擴大爲「報學雜誌」，按月刊行，歸上海光華書局發行，全集未錄各稿，酌裁編入月刊，將來選輯報學叢刊，體例編制，仍求一

實。

一，新聞學刊問世一年後，復應全民日報之請，兼辦一姊妹新誌曰「新聞周刊」，四期後因事停刊，坊間已絕版，茲並選抄若干，附於全集。

一，全集共分八篇，以性質分之。附錄郵電事件，乃編者供職上海時親訪諸珍重閣主者，閣主代表上海日報公會入京交涉，故言之甚詳，爲近報界一大公案。

一，全集之輯，與事者友人京報張君一葦，時代報王君一心，復承申報同事汪英賓氏戈公振氏趙君豪氏指教。北大教授徐伯軒氏，時事新報主筆趙叔雍氏，鄉先進吳柳隅氏寵惠序文，皆深感幸，統此誌謝。

民國十八年八月八日記於上海望平街五樓西廂

贅言：全集出版有日，海外得蘋君書，謂予爲主辦者不能無言，誠然，予固不能無言，然予所欲言者已屢言之矣。回憶創辦之時，歷歷猶在目前，數年來，差幸未曾一日放下筆刀，未曾與須離開鉛槧，白紙着黑字，一期未虛，雖無當著述之

末事，然予以身獻報之心，能稍有所建白於報界，亦大快慰。今新聞學刊作一全
集結束，報學雜誌繼之而發榮光大，始終不更我人爲報之目的，願與海內同志共
勉之也。己巳中秋天廬又識於神戶市外客邸。

新聞學刊全集

目次

序文

凡例

通論

新聞學概論

新聞學刊目錄

徐寶璜

威廉論新聞學·····	吳天放
新聞學上之精編主義·····	周孝庵
新聞事業淺論·····	王小隱
予之中國新聞事業觀·····	鮑振青
中國新聞界之鳥瞰·····	黃天鵬
日本新聞界一瞥·····	鄒宗孟
世界通訊事業·····	黃天鵬
英美通訊社現狀·····	祈伯文
外人在中國經營之通訊事業·····	黃梁夢
美國初期新聞事業·····	周孝庵
蘇俄新聞事業·····	黃天鵬
新聞紙與商業·····	方宗鰲